

中國方志叢書·華中地方·第一四七號

據


清同治十三年刊本  
吳雲輯

影印

江蘇省

京口三山志(焦山志)(一)

成文出版社有限公司印行



\*10098801\*

同治乙丑仲春 吉旦

焦山志

歸安吳雲書



同治己巳秉成奉

命備兵京口治所距焦山不十里公暇放櫂登眺聞山  
中人言吾鄉吳平齋先生編輯山志以戊辰冬脫藁藁  
藏吳門二百蘭亭齋秉成與先生有姻誼而是書實未  
之覩也辛未調任蘇松指山爲別徘徊不能去甲戌冬  
先生寄示志藁定本受而讀之斷制之謹嚴體例之精  
善與武功朝邑兩志後先輝映竊惟唐宋以來作宇內  
山志者無慮千數百家考諸四庫著錄才得南嶽匡  
廬赤松盤山四部二十七卷作志之難如是是書都二

十六卷子目凡十山水碑刻二門同赤松志方外藝文  
襍綴三門同盤山志卷首冠以

宸翰亦規仿盤山建置高隱二門則赤松之宮宇人物  
惟周鼎漢鼎瘞鶴銘三者特設專門爲斯山獨剏之體  
例周鼎釋文不一本瘞鶴銘書人不一說各綴題跋辨  
證於後以滌煩祛惑詔示來者他山志所未有也傳曰  
山川能說可以爲大夫先生嘗服官是邦作焦山主人  
年來戢景山中編定成書不徒追轡康韓且奄有赤松  
盤山諸志之長將來著錄 四庫夫復何疑秉成庚辛

閱日日看山僅撰記一通勒石吸江樓中留一重雪鴻  
爪印山圖省識如尋襄遊益深歎先生之先得我心也  
同治甲戌十月歸安沈秉成謹序



焦山舊志見於明正德中河東史魯序京口三山志云  
索得民間舊本金山日形勝志焦山日志鄙略蕪襍皆  
出僧人自編天啓間釋智先輯焦山志草創未就至我  
朝釋行載與江都謝家樹山陰潘甯其補綴之釋詳印  
據其本重加增刪名曰志略乾隆壬子盧雅雨都轉見  
曾撰志十二卷於是焦山始有專志道光中王柳村徵  
君豫顧湘舟文學元一爲修輯亦各成書癸丑變起京  
口各叢林悉被賊燬山中所藏周漢彝器及名賢墨蹟  
爲寺僧月輝先期運出書版未及運遂遭兵劫

見月輝  
守山記

癸亥甲子間故友趙吟蕉炳麟親家許緣仲道身先後  
爲常鎮觀察時權關設於山中洋人之司稅務者亦寓  
焉吟蕉性愛山水就寺中臨江舊有之思退閣添建數  
楹增置窗牖使全江勝景納於几席間公暇輒引盃自  
賞念余閒居滬上所好相似寓書招游以修志事見屬  
余以內河兵阻遲遲不赴比至山吟蕉卸任緣仲接篆  
兼理江北糧臺支應孔亟未能常駐山中而洋務交涉  
事件正解緣仲舉以授余余不能辭案頭簿書填委與  
志稿錯雜叢積幸山中無塵事之擾晨起理公牘午以

後從事編纂家攘之廣文熙載寓泰州擊舟來訪款留  
聯榻相與網羅遺佚增輯舊聞踰季書未成攘之別去  
余亦因病回蘇攜稿自隨適家清卿太史大澂乞假在  
里下榻余齋晨夕商訂深資匡助又得徐小謐有珂柳  
質卿商賢兩孝廉襄余卒業釐爲二十六卷具詳凡例  
焦山以金石著名故志中考錄加詳若夫略古以崇今  
徇情以取悅摭摭摭摭蕪穢山靈余雖無似不敢沿此  
陋習焉同治庚午冬日歸安吳雲書於金石壽世之居

金日三  
月

二

同治癸亥余轉蘇楚北道出焦山晤吳平齋觀察於同  
寺之退思樓時武林許綠仲觀察方攝常鎮道事延平  
齋至山編輯山志余每與兩君梯樓譚宴俛仰憑眺謂  
斯山擅江上之形勝真浮玉北固顛顛上下於其間必  
不可無志而舊志又闕略不具版復毀失得平齋手纂  
之余甚樂睹其成焉別去五年余權蘇藩篆受代後僑  
居吳門旋一椎滬關再陳臬事而寓吳之日亦復不少  
平齋就養於長君廣菴太守亦卜居吳郡與余寓比闕  
一戶通之往返無虛日每見平齋手此志增刪訂正寒

暑不輟同鄉沈仲復廉訪曾備兵常鎮量移滬上知平齋有是作乞副墨讀之嘖嘖稱善約余同任校梓余既喜斯志自始事迄卒業無一日不在心目間茲竟得觀

其成而又適權道篆忝附諸君之末同為焦山主人

平齋

曾守鎮江緣仲復及余先後備兵常鎮非所謂翰墨緣耶惟念余與平齋

及緣仲同籍浙右同宦江左締金石之交申以姻聯之好迺緣仲移粵東高廉道甫年餘遽歸道山回憶山寺聚首曾幾何時而音塵已不可復接矣今山志蕝事余幸得附名簡末而緣仲獨不及見此尤余與平齋所同

同爲慨息者也至斯志體例完善文筆峻潔仲復敘中  
已詳言之不具論論吾兩人之交誼與是志之緣起云  
爾同治甲戌孟冬秀水杜文瀾謹序



焦山志目錄

凡例

圖

卷首

宸翰

卷一

山水

建置

卷二

周鼎

卷三

周鼎

卷四

定陶鼎 雜器附

卷五

瘞鶴銘

卷六

瘞鶴銘

卷七

碑刻

卷八

碑刻

卷九

高隱

卷十

方外

卷十一

目錄

目錄

二